

(3) Zavod jednom godišnje vrši evaluaciju Liste, a neophodne izmjene vrše se po proceduri iz stava (2) ovog člana.

(4) Pod evaluacijom Liste iz stava (3) ovog člana podrazumijeva se usaglašavanje vrste pomagala sa Liste sa potrebama osiguranih lica, promjena medicinskih indikacija i učešće Zavoda u odnosu na cijene pomagala na tržištu.

Član 3a.

Pomagala sa Liste koja se obezbjeđuju iz sredstava obaveznog zdravstvenog osiguranja za osigurana lica moraju ispunjavati uslove utvrđene Pravilnikom o medicinskim sredstvima („Službeni glasnik BiH“, broj 4/10) i moraju biti upisana u registar medicinskih sredstava Agencije za lijekove i medicinska sredstva BiH.

Član 3b.

(1) Pomagala s Liste osigurana lica u toku fiskalne godine ostvaruju do visine sredstava planiranih važećim Finansijskim planom Zavoda

(2) Ukoliko se prije isteka fiskalne godine utroše planirana sredstva Zavod će u skladu sa raspoloživim sredstvima kroz svoju unutrašnju preraspodjelu odnosno kroz rebalans budžeta, nastojati osiguranim licima obezbijediti kontinuirano ostvarivanje prava na pomagala iz ove Odluke.

Član 3c.

Ukoliko osigurano lice stekne pravo na pomagalo sa Liste na teret sredstava Federalnog fonda solidarnosti to pravo ne može ostvariti na teret sredstava Zavoda zdravstvenog osiguranja Unsko-sanskog kantona.

III - NABAVKA, ODNOSNO IZRADA, NAČIN KORIŠTENJA I ZAMJENA POMAGALA, ZUBNOPROTETSKIH SREDSTAVA I ENDOPROTEZA

Član 4.

(1) Pomagala, zubnoprotska sredstva i endoproteze utvrđene ovom Odlukom propisuje na osnovu medicinskih indikacija ovlašteni doktor medicine - specijalist odgovarajuće grane medicine.

(2) Ovlaštenje u smislu stava (1) ovog člana doktorima medicine - specijalistima izdaje direktor Zavoda.

Član 5.

(1) Na osnovu prijedloga ovlaštenog doktora medicine, odnosno doktora stomatologije, odnosno doktora odgovarajućih specijalnosti iz člana 4. ove Odluke, Zavod ovjerava osiguranom licu korisniku odobrenje (nalog) za nabavku pomagala, odnosno izradu zubnoprotskog sredstva i endoproteze, označenih u prijedlogu.

(2) Prijedlog iz stava (1) ovog člana za nabavku, odnosno izradu pomagala, zubnoprotskog sredstva i endoproteze, daje na propisanom obrazcu ovlašteni doktor i mora da sadrži sve medicinske i tehničke elemente neophodne za izradu pomagala.

(3) Prijedlog za nabavku, odnosno za izradu pomagala i endoproteze podnosi se putem poslovnice Zavoda zdravstvenog osiguranja, nadležne prema prebivalištu korisnika.

(4) Pomagalo koje se izrađuje po mjeri može se izdati osiguranom licu tek kad se putem stručne kontrole utvrdi da je izrađeno prema prijedlogu iz stava (1) i (2) ovog člana, da je dobrog kvaliteta i da je upotrebljivo prema svojoj namjeni.

(5) Stručnu kontrolu iz stava (4) ovog člana vrši doktor medicine, specijalist određene grane medicine koji je dao prijedlog.

(6) Zamjena pomagala nakon isteka roka trajanja novim pomagalom i izrada novog zubnoproetskog sredstva vrši se na način utvrđen u stavu (1), (2), (3) i (4) ovog člana.

(7) Osiguranom licu će se izraditi novo pomagalo, odnosno zubnoproetško sredstvo, prije isteka propisanog roka trajanja ako je neupotrebljivost pomagala nastala uslijed anatomskih ili funkcionalnih promjena.

Član 6.

Za pomagala, zubnoproetška sredstva i endoproteze utvrđene Listom, troškove snosi Zavod zdravstvenog osiguranja Unsko-sanskog kantona do visine sredstava utvrđenih u Listi.

Član 7.

(1) Nakon isteka roka utvrđenog Listom, utvrđuje se potreba za novim pomagalom, zubnoproetškim sredstvom ili endoprotezom i vrši se zamjena pomagala odnosno zubnoproetskog sredstva ili endoproteze.

(2) Na zahtjev osiguranog lica – korisnika pomagala, odnosno zubnoproetskog sredstva može se izvršiti opravka pomagala odnosno zubnoproetskog sredstva, radi njegovog korištenja i nakon isteka roka trajanja koji je utvrđen Listom, pod uslovom da se opravkom ovo pomagalo odnosno zubnoproetško sredstvo može koristiti najmanje $\frac{1}{4}$ (jednu četvrtinu) vremena predviđenog Listom za njegovo trajanje.

Član 8.

Ukoliko je osigurano lice – korisnik obavezno da učestvuje u troškovima korištenja zdravstvene zaštite, procent ili apsolutni iznos neposrednog učešća takvog osiguranog lica – korisnika u nabavci ili zamjeni pomagala zubnoproetskog sredstva i endoproteze

naznačit će se u odobrenju (nalogu) iz člana 5. ove Odluke.

Član 9.

(1) Isporuku - izradu i opravku pomagala, odnosno zubnoproetskog sredstva, vrši preduzeće ili ustanova koja se bavi izradom odgovarajućih pomagala koja su u najbliža mjestu njihovog stanovanja, odnosno zaposlenja, a prvenstveno kod preduzeća ili ustanove sa kojima je Zavod zaključio ugovor o snadbjevanju korisnika pomagalima i endoprotezama.

(2) Ugovorom koji Zavod zaključi sa organizacijama koje se bave izradom pomagala utvrđuje se: način i rokovi izrade, probe i isporuke pomagala, cijena pomagala, garantni rokovi za upotrebu pomagala, obaveza preduzeća ili ustanove u slučaju kvara ili neupotrebljivosti pomagala do isteka garantnog roka i druga uzajamna prava i obaveze ugovornih strana.

Član 10.

(1) Pomagala utvrđena ovom Odlukom obezbjeđuju se osiguranim licima po isteku propisanog roka trajanja samo ako su dotrajala, ako funkcionalno ne odgovaraju ili ako su usljed oštećenja postala neupotrebljiva.

(2) Rokovi trajanja pomagala odnosno zubnoproetških sredstava i endoproteza utvrđeni su članom 3. Odluke i računaju se od dana uručivanja pomagala, odnosno ugrađivanja zubnoproetskog sredstva i endoproteze osiguranom licu.

(3) Korisnik pomagala dužan je u periodu do isteka roka trajanja da pomagalo održava i popravlja.

(4) Ukoliko korisnik nesavjesno koristi pomagalo i tom prilikom prouzrokuje veće oštećenje ne može dobiti novo prije isteka roka utvrđenog ovom Odlukom.

(5) Ako je neophodno da se pomagalo izradi po mjeri, a izrada traje duže vremena,

izrada se može odobriti i prije isteka roka na onoliko vremena koliko se predviđa da će trajati izrada pomagala, ali ne više od 60 dana prije isteka roka. Ovu okolnost utvrđuje i obrazlaže ovlašćeni doktor prilikom propisivanja pomagala.

Član 10a.

(1) U slučaju specifičnosti medicinskih indikacija osiguranom licu se izuzetno može odobriti sufinansiranje nabavke/izrade pomagala koje se ne nalazi na Listi, u zavisnosti od njegovog zdravstvenog stanja i oboljenja, a neophodna su za život.

(2) Preporuke za sufinansiranje nabavke/izrade pomagala u slučaju iz stava (1) ovog člana daje Komisija za liječenje van Kantona i u inostranstvu.

(3) Konzilij ljekara specijalista ugovorne zdravstvene ustanove u kojoj se liječi osigurano lice dužan je dostaviti Komisiji Zavoda medicinsku dokumentaciju sa detaljnim obrazloženjem specifičnosti medicinske indikacije i prijedlog za nabavku/izradu neophodnog pomagala.

(4) Upravni odbor Zavoda razmatra preporuku i donosi konačnu odluku o tome.

(5) Ukoliko Upravni odbor Zavoda donese odluku da se odobrava sufinansiranje nabavke / izrade pomagala iz stava (1) ovog člana Zavod će učestvovati u sufinansiranju u procentualnom iznosu do 50% od nabavne cijene pomagala ukoliko su planirana sredstva finansijskim planom Zavoda za tu namjenu.

IV- PRELAZNE I ZAVRŠNE ODREDBE

Član 11.

Osigurana lica koja na dan stupanja na snagu ove Odluke koriste pomagala odnosno zubnoprotska sredstva ili kojima je započeta izrada tih sredstava po propisima koji regulišu ovu materiju, koristit će ta pomagala odnosno zubnoprotska sredstva pod uslovima i sa rokovima trajanja određenim ovom Odlukom.

Član 12.

(1) Obavezuje se Upravni odbor Zavoda zdravstvenog osiguranja USK da u roku od 60 dana od dana stupanja na snagu ove Odluke utvrdi usaglašen prijedlog Liste iz stava (2) člana 3, sa Ministarstvom zdravstva, rada i socijalne politike USK i isti uputi Vladi Unsko-sanskog kantona na dalje postupanje.

(2) Vlada Unsko-sanskog kantona obavezna je da u roku od 30 dana od dana zaprimanja usaglašenog prijedloga liste iz stava (1) ovog člana donese Odluku o Listi pomagala.

Član 13.

Postojeća Jedinstvena lista pomagala iz člana 3. stav (1) Odluke o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjestaka koji se obezbjeđuju u Zavodu zdravstvenog osiguranja Unsko-sanskog kantona („Službeni glasnik USK“, broj : 8/10 i 19/11) ostaje na snazi i ista se primjenjuje do donošenja Liste iz člana 2. Odluke.

Član 14.

Ova Odluka stupa na snagu narednog dana od dana objavljivanja u „ Službenom glasniku Unsko-sanskog kantona“.

Član 15.

Prečišćen tekst Odluke o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjestaka koji se obezbjeđuju u Zavodu zdravstvenog osiguranja Unsko - sanskog kantona, sačinjen je na osnovu sljedećih Odluka:

Odluka o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjestaka koji se obezbjeđuju u Zavodu zdravstvenog osiguranja Unsko - sanskog kantona („Službeni glasnik Unsko - sanskog kantona“, broj: 08/10), Odluka o dopunama

